




vnderen/ also das die vnder fas irer dryteyl eins firtref / diß possament mag manicherley weyß gezird werden / aber wie ob geschriben / hab ich solichs her nach gerissen mit seinen gründen / vnd dz du wissest wß die zierd sey die man mit dē hobel oder drewerck machen kan / so merck das sechserley sunderlicher ding sind / darauß man solichs erbet. Das erst ist ein blatte fassen / das ander ein holkelen / dz dryt ein auspogne wellē / dz viert ein eck / das fünft ein winckel das sechst ist die schlangen lini / die man mag ziehē wie man will. Dise ding alle mag man alle züsamen brauchen / oder eins teyls / man mag sie seyche oder twef machen / flach oder erhaben / weyt oder eng / spiß oder stumpf / groß oder klein gegen einander / breyt oder schmal / wie man will. Aber die bescheidenheit soll ein ytlicher erbetder brauchē / dz er an die grossen ding die zir von grosseren dingen / vñ an die kleinen ding kleyner mache / diß will ich hernach mit zweyen fasen einer langen vñnd kurzen neben einander anzeygen / dan̄ eins ytlichē menschē vernunft begreyft bald / das ein lang ding billich dick er sol sein dan̄ ein kürzers seins geschlechts . Darumb so ein bauman gesims werck / od̄ thür gestell / vñnd der gleychen machē will / so soll er die eüßeren ding die weiter laufen von grosseren dingen machen / dann die inneren kürzeren / was dem entgegen gemacht wirdt / stet vbel / das verste also / mach ein aufrechte fasen zwischē zweyen linien begriffen / die schneyd obē mit einer zwerch lini ab / vñnd bezeychen oben ire eck mit .a. b. darnach setz auf die seyte ein punctē .c. vñngeser zū mittel der fasen / vñnd reyß zwei streim lini .a. c. b. c. Darnach setz die inner fasen die kürzer soll werdē / mit einer aufrechtē lini neben .a. b.



so weit von einand / als breit du die leyten wild haben / vñ wo sie die streim lini .c. a. anrürt do setz ein .d. von dan̄ far mit einer zwerch lini an die anderē streim lini .c. b. da sie rürt setz ein .e. auß dem .e. far aufrecht herab mit einer lini so wirdt .d. e. recht proporcionirt gegen .a. b. wie das mit sambt den obgemelten sechs dingen / die zū den zirden gehörne / auch die seulen / captel fües vñ possament / alles her nach ist aufgerissen / vñnd zū gleycher weyß wie man im mit der fasen thut / also thut man auch mit den anderen vorgemelten dingen.